

Exquisívi Dóminum, et exaudivit me : \* et ex ómnibus tribulatióibus meis erípuit me.

Accédite ad eum, et illuminámini : \* et fácies vestrae non confundéntur.

Iste pauper clamávit, et Dóminus exaudivit eum : \* et de ómnibus tribulatióibus ejus salvávit eum.

Immíttet Angelus Dómini in circúitu tíméntium eum : \* et erípiet eos.

Gustáte, et vidéte quóniam suávis est Dóminus : \* beátus vir, qui sperat in eo.

Timéte Dóminum omnes sancti ejus : \* quóniam non est inópia tíméntibus eum.

Dívites eguérunt et esuriérunt : \* inquiréntes autem Dóminum non minuéntur omni bono.

Veníte filii, audíte me : \* tímórem Dñi docébo vos.

Quis est homo qui vult vitam : \* díligit dies vidére bonos ?

Próhibe linguam tuam a malo : \* et lábia tua ne loquántur dolum.

Divérte a malo, et fac bonum : \* inquiré pacem, et perséquere eam.

Oculi Dómini super justos : \* et aures ejus in preces eórum.

Vultus autem Dñi super faciéntes mala : \* ut perdat de terra memóriam eórum.

Clamavérunt justí, et Dóminus exaudivit eos : \* et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : \* et húmiles spíritus salvábit.

Multae tribulatióes justórum : \* et de ómnibus his liberábit eos Dóminus.

Custódit Dóminus ómnia ossa eórum : \* unum ex his non conterétur.

Mors peccatórum péssima : \* et qui odérunt justum delínquent.

Rédimet Dóminus ánimas servórum suórum : \* et non delínquent omnes qui sperant in eo.

*Añã.* Rectos decet colaudátio.

*Añã.* Expúgna.

*Psalms xxxv.*

**J**udica Dómine nocéntes me : \* expúgna impugnántes me.

Apprehénde arma et scutum : \* et exsúrge in adiutórium mihi.

Effúnde frámeam, et conclúde advérsus eos, qui perseguúntur me : \* dic animæ meæ : Salus tua ego sum.

Confundántur et reve-

reántur, \* quæréntes animam meam.

Avertántur retrórsum, et confundántur \* cogitántes mihi mala.

Fiant tamquam pulvis ante faciém venti : \* et Angelus Dñi coárctans eos.

Fiat via illórum ténebrae et lúbricum : \* et Angelus Dómini pèsequens eos.

Quóniam gratis absconderunt mihi intéritum láquei sui : \* supervácue exprobravérunt animam meam.

Véniat illi láqueus, quem ignórat : et cáptio, quam abscondit, apprehéndat eum : \* et in láqueum cadat in ipsum.

Anima autem mea exsultábit in Dño : \* et delectábitur super salutári suo.

Omnia ossa mea dicent : \* Dómine, quis símilis tibi ?

Eripiens inopem de manu fortiórum ejus : \* egénium et páuperem a diripiéntibus eum.

Surgéntes testes iníqui, \* quae ignorábam interrogábant me.

Retribuébant mihi mala pro bonis : \* sterilitátem animæ meae.

Ego autem cum mihi moléstí essent, \* induébar cilício.

Humiliábam in jejúnio animam meam : \* et orátio mea in sinu meo convertétur.

Quasi próximum, et quasi fratrem nostrum, sic complacébam : \* quasi lugens et contristátus, sic humiliábar.

Et advérsus me lætáti sunt et convenérunt : \* congregáta sunt super me flagélla, et ignorávi.

Dissipáti sunt, nec compuncti, tentavérunt me, subsannavérunt me subsannatióne : \* frenduérunt super me déntibus suis.

Dómine quando respícies ? \* restitue animam meam a malignitáte eórum, a leónibus únicam meam.

Confitébor tibi in ecclésia magna, \* in pópulo gravi laudábo te.

Non supergáudeant mihi qui advérsantur mihi inique : \* qui odérunt me gratis et ánnuunt óculis.

Quóniam mihi quidem pacífice loquebántur : \* et in iracúndia terræ loquéntes, dolos cogitábant.

Et dilatavérunt super me os suum : \* dixérunt : Euge, euge, vidérunt óculi nostri.

Vidísti Dñe, ne síleas : \* Dómine ne discédas a me.



Exsúrge et inténde iudicio meo: \* Deus meus, et Dóminus meus in causam meam.

Júdica me secúndum iustítiam tuam. Dómine Deus meus, \* et non supergáudeant mihi.

Non dicant in córdibus suis: Euge, euge, animæ nostræ: \* nec dicant: Devorávimus eum.

Erubéscant et revereántur simul, \* qui gratulántur malis meis.

Induántur confusióne et reveréntia \* qui magna loquúntur super me.

Exsúltent et læténtur qui volunt iustítiam meam: \* et dicant semper: Magnificétur Dóminus, qui volunt pacem servi ejus.

Et lingua mea meditábitur iustítiam tuam, \* tota die laudem tuam.

**Psalmus cxxv.**

**D**ixit injústus ut delínquat in semetípso: \* non est timor Dei ante oculos ejus.

Quóniam dolóse egit in conspéctu ejus: \* ut inveniátur iniquitas ejus ad ódium.

Verba oris ejus iniquitas, et dolus: \* nóluit intelligere ut bene ágeret.

Iniquitátem meditátus est in cubili suo: \* ástitit

omni viæ non bonæ, malitiam autem non odívit.

Dómine in cælo misericórdia tua: \* et véritas tua usque ad nubes.

Iustítia tua sicut montes Dei: \* iudícia tua abysus multa.

Hómines, et juménta salvábis, Dómine: \* quem ádmodum multiplicásti misericórdiam tuam Deus.

Fílii autem hóminum, \* in tégmine alárum tuárum sperábunt.

Inebriábuntur ab ubertáte domustuæ: \* et torrénte voluptátis tuæ potábis eos.

Quóniam apud te est fons vitæ: \* et in lúmine tuo vidébimus lumen.

Præténde misericórdiam tuam sciéntibus te, \* et iustítiam tuam his, qui recto sunt corde.

Non véniat mihi pes supérbia: \* et manus peccatóris non móveat me.

Ibi cecidérunt qui operántur iniquitátem: \* expúlsi sunt, nec potuérunt stare.

**Añã.** Expúgna impugnántes me.

**Añã.** Revéla.

**Psalmus cxxvj.**

**N**oli æmulári in malignántibus: \* neque zeláveris faciéntes iniquitátem.

Quóniam tamquam fœnum velóciter aréscent: \* et quem ádmodum ólera herbárum cito décident.

Spera in Dño, et fac bonitátem: \* et inhábita terram, et pascéris in divítiis ejus.

Delectáre in Dómino: \* et dabit tibi petitiónes cordis tui.

Revéla Dómino viam tuam, et spera in eo: \* et ipse fáciat.

Et edúcet quasi lumen iustítiam tuam: et iudícium tuum tamquam merídiem: \* súbditus esto Dómino, et ora eum.

Noli æmulári in eo, qui prosperátur in via sua: \* in hómine faciénte injustítias.

Désine ab ira, et derelínque furórem: \* noli æmulári ut malignéris.

Quóniam qui malignántur, exterminábuntur: \* sustinéntes autem Dñum, ipsi hereditábunt terram.

Et adhuc pusillum, et non erit peccátor: \* et quæres locum ejus, et non invénies.

Mansuétí autem hereditábunt terram: \* et delectábuntur in multitúdine pacis.

Observábit peccátor iustum: \* et stridébit super eum déntibus suis.

Dóminus autem irridébit eum: \* quóniam próspicit quod véniat dies ejus.

Gládium evaginavérunt peccatóres: \* intendérunt arcum suum,

Ut defíciat páuperem et ínopem: \* ut trucident rectos corde.

Gládus eórum intret in corda ipsórum: \* et arcus eórum confringátur.

Mélius est módicum iusto, \* super divítias peccatórum multas.

Quóniam bráchia peccatórum conteréntur: \* confirmat autem justos Dñus.

Novit Dóminus dies immaculatórum: \* et hereditas eórum in ætérnum erit.

Non confundéntur in témpore malo, et in diébus famis saturábuntur: \* quia peccatóres períbunt.

Inimíci vero Dñi mox ut honorificáti fúerint et exaltáti: \* deficientes, quem ádmodum fumus deficient.

Mutuábitur peccátor, et non solvet: \* justus autem miserétur et tríbuet.

Quia benedicéntes ei hereditábunt terram: \* maledicéntes autem ei disperíbunt.

Apud Dóminum gressus hóminis dirigéntur: \* et viam ejus volet.



Cum ceciderit, non colidetur : \* quia Dóminus supponit manum suam.

Júnior fui, etenim senui : \* et non vidi justum derelictum, nec semen ejus quærens panem.

Tota die miseretur et commodat : \* et semen illius in benedictione erit.

Declina a malo, et fac bonum : \* et inhabitata in sæculum sæculi.

Quia Dóminus amat judicium, et non derelinquet sanctos suos : \* in æternum conservabuntur.

Injusti puniuntur : \* et semen impiorum peribit.

Justi autem hereditabunt terram : \* et inhabitabunt in sæculum sæculi super eam.

Os justi meditabitur sapientiam, \* et lingua ejus loquetur judicium.

Lex Dei ejus in corde ipsius : \* et non supplantabuntur gressus ejus.

Considerat peccator justum : \* et quærit mortificare eum.

Dóminus autem non derelinquet eum in manibus ejus : \* nec damnabit eum cum judicabitur illi.

Exspecta Dóminum, et custodi viam ejus : et exaltabit te ut hereditate cá-

pias terram : \* cum perierint peccatores videbis.

Vidi impium superexaltatum, \* et elevatum sicut cedros Líbani.

Et transivi, et ecce non erat : \* et quæsi eum, et non est inventus locus ejus.

Custodi innocentiam, et vide æquitatem : \* quoniam sunt reliquæ homini pacífico.

Injusti autem disperibunt simul : \* reliquæ impiorum interibunt.

Salus autem justorum a Dño : \* et protector eorum in tempore tribulationis.

Et adjuvabit eos Dóminus, et liberabit eos : \* et eruet eos a peccatoribus, et salvabit eos : quia speraverunt in eo

**Psalmus cxxvij.**

**D**omine ne in furore tuo arguas me, \* neque in ira tua corripas me.

Quoniam sagittæ tuæ infixæ sunt mihi : \* et confirmasti super me manum tuam.

Non est sanitas in carne mea a facie iræ tuæ : \* non est pax ossibus meis a facie peccatorum meorum.

Quoniam iniquitates meæ supergressæ sunt caput meum : \* et sicut onus grave gravatæ sunt super me.

Putruerunt et corruptæ sunt cicatrices meæ, \* a facie insipientiæ meæ.

Miser factus sum, et curvatus sum usque in finem : \* tota die contristatus ingrediebar.

Quoniam lumbi mei impléti sunt illusionibus : \* et non est sanitas in carne mea.

Afflictus sum, et humiliatus sum nimis : \* rugiebam a gemitu cordis mei.

Dómine, ante te omne desiderium meum : \* et gemitus meus a te non est absconditus.

Cor meum conturbatum est, dereliquit me virtus mea : \* et lumen oculorum meorum, et ipsum non est mecum.

Amici mei, et proximi mei \* adversum me appropinquaverunt, et steterunt.

Et qui juxta me erant, de longe steterunt : \* et vim faciebant qui quærebant animam meam.

Et qui inquirebant mala mihi, locuti sunt vanitates : \* et dolos tota die meditabantur.

Ego autem tamquam surdus non audiebam : \* et sicut mutus non apertis os suum.

Et factus sum sicut homo non audiens : \* et non habens in ore suo redargutiones.

Quoniam in te Dómine speravi : \* tu exaudies me Dómine Deus meus.

Quia dixi : Nequando supergaudeant mihi inimici mei : \* et dum commoventur pedes mei, super me magna locuti sunt.

Quoniam ego in flagella paratus sum : \* et dolor meus in conspectu meo semper.

Quoniam iniquitatem meam annuntiabo : \* et cogitabo pro peccato meo. Inimici autem mei vivunt, et confirmati sunt super me : \* et multiplicati sunt qui oderunt me inique.

Qui retribuunt mala pro bonis, detrahebant mihi : \* quoniam sequiebar bonitatem.

Ne derelinquas me Dómine Deus meus : \* ne discesseris a me.

Intende in adjutorium meum, \* Dómine Deus salútis meæ.

**Añã.** Revela Dómino viam tuam.

**Per Annum, v.** Dómine in cœlo misericordia tua. **ñ.** Et veritas tua usque ad nubes.



**In Adv. V.** Ex Sion species decóris ejus. **R.** Deus noster manifeste véniet.

**Pro uno Martyre, V.** Glória et honóre coronásti eum Dómine. **R.** Et constituísti eum super ópera mánuum tuárum.

**Pro pluribus Mart. V.** Lætámini in Dómino, et exsultáte justi. **R.** Et gloriámini omnes recti corde.

**Pro Confessore Pontifice, et non Pontifice, V.** Amávit eum Dóminus, et ornávit eum. **R.** Stalam glóriæ índuit eum.

**Pro una Sancta, V.** Spécie tua et pulchritúdine tua. **R.** Inténde, prospere procéde, et regna.

AD LAUDES.

**V.** Deus in adjutórium. 21.

**Quando non assignantur propriæ Añæ, dicitur Añæ.** Miserére.

**Psalmus I.**

**M**iserére mei Deus, \* secúndum magnam misericórdiam tuam.

Et secúndum multitudínem miseratiónum tuárum, \* dele iniquitátem meam.

Amplius lava me ab iniquitáte mea : \* et a peccáto meo munda me.

Quóniam iniquitátem

meam ego cognóscó : \* et peccátum meum contra me est semper.

Tibi soli peccávi, et malum coram te feci : \* et justificéris in sermónibus tuis, et vincas cum iudicáris.

Ecce enim in iniquitátibus concéptus sum : \* et in peccátis concépit me mater mea.

Ecce enim veritátem dilexísti : \* incérta et occúlta sapiéntiæ tuæ manifestásti mihi.

Aspérget me hyssópo, et mundábor : \* lavábis me, et super nivem dealbábor.

Audítui meo dabis gáudium et lætítiam : \* et exsultábunt ossa humiliáta.

Avérte fáciem tuam a peccátis meis : \* et omnes iniquitátes meas dele.

Cor mundum crea in me Deus : \* et spíritum rectum ínnova in viscéribus meis.

Ne projicias me a fácie tua : \* et spíritum sanctum tuum ne áuferas a me.

Redde mihi lætítiam salutáris tui : \* et spíritu principáli confirma me.

Docébo iníquos vias tuas : \* et impíi ad te converténtur.

Líbera me de sanguínibus Deus, Deus salutis meæ : \* et exsultábit lingua mea justítiam tuam.

Dómine, lábia mea apéries : \* et os meum annuntiábit laudem tuam.

Quóniam si voluisses sacrificium, dedissem úti que : \* holocáustis non delectáberis.

Sacrificium Deo spíritus contribulátus : \* cor contrítum, et humiliátum Deus non despícies.

Benigne fac Dómine in bona voluntáte tua Sion : \* ut ædificéntur muri Jerúsalem.

Tunc acceptábis sacrificium justítiæ, oblatiónes, et holocáusta : \* tunc impónent super altáre tuum vítulos.

**Añæ.** Miserére mei Deus.

**Añæ.** Intéllige.

**Psalmus V.**

**V**erba mea áuribus percípe Dómine, \* intéllige clamórem meum.

Inténde voci oratiónis meæ, \* Rex meus et Deus meus.

Quóniam ad te orábo : \* Dómine mane exáudies vocem meam.

Mane astábo tibi et vidébo : \* quóniam non Deus volens iniquitátem tu es.

Neque habitábit juxta te malignus : \* neque permanébit injústi ante óculos tuos.

Odísti omnes, qui operántur iniquitátem : \* perdes omnes, qui loquúntur mendácium.

Virum sánguinem et dolósum abominábitur Dóminus : \* ego autem in multitudíne misericórdiæ tuæ.

Introíbo in domum tuam : \* adorábo ad templum sanctum tuum in timóre tuo.

Dómine deduc me in justítia tua : \* propter inimicos meos dirige in conspéctu tuo viam meam.

Quóniam non est in ore eórum veritas : \* cor eórum vanum est.

Sepúlcrum patens est guttur eórum, linguis suis dolóse agébant, \* júdica illos Deus.

Décidant a cogitáonibus suis, secúndum multitudínem impietátum eórum expélle eos, \* quóniam irritavérunt te Dómine.

Et læténtur omnes, qui sperant in te, \* in ætérnum exsultábunt : et habitábis in eis.

Et gloriabúntur in te omnes, qui díligunt nomen



tuum, \* quóniam tu benedices justo.

Dómine, ut scuto bonæ voluntátis tuæ \* coronásti nos.

**Añã.** Intéllige clamórem meum Dómine.

**Añã.** Deus Deus meus.

**Psalmus lxiij.**

**D**eus Deus meus \* ad te de luce vígilo.

Sítívit in te ánima mea, \* quam multipliciter tibi caro mea.

In terra desérta, et ínvia, et inaquósa : \* sic in sancto apparúi tibi, ut vidérem virtútem tuam, et glóriam tuam.

Quóniam mélior est misericórdia tua super vitas : \* lábia mea laudábunt te.

Sic benedícam te in vita mea : \* et in nómine tuo levábo manus meas.

Sicut ádipe et pinguédine repleátur ánima mea : \* et lábiis exsultatiónis laudábit os meum.

Si memor fui tui super stratum meum, in matutínis meditábor in te : \* quia fuísti adjútor meus.

Et in velaménto alárum tuárum exsultábo, adhæsit ánima mea post te : \* me suscepít dextera tua. Ipsi vero in vanum quæ-

siérunt ánimam meam, introíbunt in inferióra terræ : \* tradéntur in manus gládii, partes vúlpium erunt.

Rex vero lætábitur in Deo, laudábuntur omnes qui jurant in eo : \* quia obstrúctum est os loquéntium iníqua.

**Hic non dic.** Glória Patri.

**Psalmus lviij.**

**D**eus misereátur nostri, et benedícat nobis : \* illúmet vultum suum super nos, et misereátur nostri.

Ut cognoscámus in terra viam tuam : \* in ómnibus Géntibus salutáre tuum.

Confiteántur tibi pópuli Deus : \* confiteántur tibi pópuli omnes.

Læténtur et exsúltent Gentes : \* quóniam júdicas pópulos in æquitáte, et Gentes in terra dirígis.

Confiteántur tibi pópuli Deus : confiteántur tibi pópuli omnes : \* terra dedít fructum suum.

Benedícat nos Deus, Deus noster, benedícat nos Deus : \* et métuant eum omnes fines terræ.

**Glória Patri. etc.**

**Añã.** Deus Deus meus ad te de luce vígilo.

**Añã.** Convérsus est.

**Cantic. Isaiaie Prophetæ.**  
**Cap. xij.**

**C**onfitébor tibi Dómine, quóniam irátus es mihi : \* convérsus est furor tuus, et consolátus es me.

Ecce Deus salvátor meus, \* fiduciáliter agam, et non timébo :

Quia fortitúdo mea, et laus mea Dóminus, \* et factus est mihi in salutem.

Hauriétis aquas in gáudio de fóntibus salvátoris : \* et dicétis in die illa : Confitemini Dómino, et invocáte nomen ejus :

Notas fácite in pópulis adinventiones ejus : \* mementóte quóniam excélsus est nomen ejus.

Cantáte Dómino quóniam magnífice fecit : \* annuntiáte hoc in univér-  
sa terra.

Exsúlta, et lauda habitátio Sion : \* quia magnus in médio tui sanctus Israel.

**Añã.** Convérsus est furor tuus Dómine, et consolátus es me.

**Añã.** Laudáte.

**Psalmus cxlvij.**

**L**audáte Dóminum de cœlis : \* laudáte eum in excélsis.

Laudáte eum omnes Angeli ejus : \* laudáte eum omnes virtútes ejus.

Laudáte eum sol et luna : \* laudáte eum omnes stellæ, et lumen.

Laudáte eum cœli cœlórum : \* et aquæ omnes, quæ super cœlos sunt, laudent nomen Dómini.

Quia ipse dixit, et facta sunt : \* ipse mandávit, et creáta sunt.

Státuit ea in ætérnum, et in sæculum sæculi : \* præcéptum pósuit, et non præteríbit.

Laudáte Dñm de terra, \* dracones, et omnes abyssi. Ignis, grando, nix, glácies, spíritus procellárum : \* quæ faciunt verbum ejus : Montes, et omnes colles : \* ligna fructífera, et omnes cedri.

Béstia, et univér-  
sa pécora : \* serpentes, et vólucres pennátæ :

Reges terræ, et omnes pópuli : \* príncipes, et omnes júdices terræ,

Júvenes, et vírgines : senes cum junióribus laudent nomen Dñi : \* quia exaltatum est nomen ejus solius.

Conféssio ejus super cœlum et terram : \* et exaltávit cornu pópuli sui.

Hymnus ómnibus sanctis ejus : \* filiis Israel, pópulo appropinquánti sibi.

**Hic non dic.** Glória Patri.



**Psalmus cxxij.**

**C**Antáte Dómino cánticum novum : \* laus ejus in ecclésia sanctorum.

Lætétur Israel in eo, qui fecit eum : \* et filii Sion exsultent in rege suo.

Laudent nomen ejus in choro : \* in tympano, et psalterio psallant ei :

Quia beneplácitum est Dómino in pópulo suo : \* et exaltábit mansuétos in salutem.

Exsultábunt sancti in glória : \* lætabúntur in cubilibus suis.

Exaltatiónes Dei in gúture eorum : \* et gládii ancípites in má nibus eorum :

Ad faciéndam vindictam in natió nibus : \* increpationes in pópulis.

Ad alligá ndos reges eorú in compédibus : \* et nóbiles eorum in má nicis férreis.

Ut fá ciant in eis jú dícium conscriptum : \* glória hæc est ómnibus sanctis ejus.

**Hic non dic.** Glória Patri.

**Psalmus cl.**

**L**audáte Dóminum in sanctis ejus : \* laudáte eum in firmaménto virtútis ejus.

Laudáte eum in virtú tibus ejus : \* laudáte eum secú ndum multítú dinem magnítú dinis ejus.

Laudáte eum in sono tubæ : \* laudáte eum in psalterio, et cíthara.

Laudáte eum in tympano, et choro : \* laudáte eum in chordis, et órgano.

Laudáte eum in cymbalis benesonántibus : laudáte eum in cymbalis jubilationis : \* omnis spír itus laudet Dóminum.

Glória Patri. etc.

**Añ a.** Laudáte Dóminum de coelis.

**In Feriis Adventus dicitur Capit. et Hymn. sequens.**

**Capitulum.** Isaia ij.

**V**eníte, et ascendámus ad montem Dñi, et ad domum Dei Jacob, et docébit nos vias suas, et ambulábimus in sémitis ejus : quia de Sion exíbit lex, et verbum Dñi de Jerúsalem.

**Hymnus.**

**E**n clara vox redárguit Obscúra quæque, pèrsonans :

Procul fugéntur sómnia : Ab alto Jesus prómicat.

Mens jam resúrgat tórpida, Non ámplius jacens humi : Sidus refúlget jam novum ; Ut tollat omne nóxium.

**E**n Agnus ad nos míttitur Laxáre gratis débitum : Omnes simul cum lácrymis

Precémur indulgéntiam.

**U**t, cum secúndo fúlserit, Metúque mundum cínxerit,

Non pro reátu púniat, Sed nos pius tunc próte gat.

Virtus, honor, laus, glória

Deo Patri cum Fílio,

Sancto simul Paráclito,

In sæculórum sæcula. Am.

**V.** Vox clamántis in desérto, Paráte viam Dómini. **R.** Rectas fácite sémitas ejus.

**Ad Bened. Añ a propria.**

**Capit. sequens dicitur in feriali Officio, ab Octava Epiphaniæ usque ad Dominicam I. Quadrages.**

**Capitulum.** Rom. xij. d

**N**OX præcèssit, dies autem appropinquávit Abjiciám us ergo ópera tenebrárum, et induámur arma lucis. Sicut in die honéste ambulémus.

**Hymnus.**

**S**plendor Patérnæ glóriæ,

De luce lucem próferens, Lux lucis, et fons lúminis, Diem dies illúminans.

Verúsque sol illábere, Micans nitóre pèrpeti :

Jubárque sancti Spír itus Infúnde nostris sènsibus.

**V**otis vocémus et Patrem, Patrem poténtis grátia,

Patrem perénnis glória,

Culpam reléget lúbricam.

**C**onfirmet actus strénuos : Dentes retúndat ínvidi :

Casus secúndet ásperos : Agénda recte dírigat.

**M**entem gubérnet, et regat :

Sit pura nobis cástitas :

Fides calóre férveat :

Fraudis venéna nésciat.

**C**hrístusque nobis sit cibus, Potúsque noster sit fides :

Læti bibámus sóbriam

Profusiónem Spír itus.

Lætus dies hic tránseat :

Pudor sit ut dilúculum :

Fides velut merídi es :

Crepúsculum mens nésciat.

**A**uróra lucem próvehit :

Cum luce nobis pródeat

In Patre totus Fílius,

Et totus in Verbo Pater.

**D**eo Patri sit glória,

Ejúsque soli Fílio,

Cum Spír ito Paráclito,

Nunc, et per omne sæcu-

lum. Amen.

**P**er Annum, **V.** Repléti

sumus mane misericórdia

tua. **R.** Exsultávimus, et

delectáti sumus.

**Ad Benedictus, Añ a. Be-**

**nédictus.**

**Canticum Zachariæ.**

Luc. j. g

**B**enedíctus Dóminus Deus Israel, \* quia

visitávit, et fecit redem-

ptiónem plebis suæ :



Et erexit cornu salutis nobis : \* in domo David pueri sui.

Sicut locutus est per os sanctorum, \* qui a saeculo sunt, Prophetarum ejus :

Salutem ex inimicis nostris, \* et de manu omnium, qui oderunt nos :

Ad faciendam misericordiam cum patribus nostris : \* et memorari testamenti sui sancti.

Jusjurandum, quod juravit ad Abraham patrem nostrum, \* datum se nobis :

Ut sine timore, de manu inimicorum nostrorum liberati, \* serviamus illi.

In sanctitate, et justitia coram ipso, \* omnibus diebus nostris.

Et tu puer, Propheta Altissimi vocaberis : \* praebis enim ante faciem Domini parare vias ejus :

Ad dandam scientiam salutis plebi ejus : \* in remissionem peccatorum eorum :

Per viscera misericordiae Dei nostri : \* in quibus visitavit nos, oriens ex alto :

Illuminare his, qui in tenebris, et in umbra mortis sedent : \* ad dirigendos pedes nostros in viam pacis. *Glória Patri. etc.*

*Ad Bened. Aña. Benedictus Dñus Deus Israel.*

*In Feriali Advent. Quat. Temp. et Vigiliarum quae jejunantur (excepta Vigil.*

*Nativitatis Domini) post Añam ad Benedictus dicuntur sequentes Preces flexis genibus. Aliis temporibus non dicuntur.*

**K**Yrie eléison. Christe eléison. Kyrie eléison.

*Pater noster. totum dicitur clara voce.*

*V. Et ne nos inducas in tentationem. R. Sed libera nos a malo.*

*V. Ego dixi, Domine miserere mei. R. Sana animam meam, quia peccavi tibi.*

*V. Convertere Domine usquequo. R. Et deprecabilis esto super servos tuos.*

*V. Fiat misericordia tua Dñe super nos. R. Quemadmodum speravimus in te.*

*V. Sacerdotes tui induantur justitiam. R. Et sancti tui exsultent.*

*V. Domine salvum fac regem. R. Et exaudi nos in die, qua invocaverimus te.*

*V. Salvum fac populum tuum Domine, et benedic hereditati tuae. R. Et rege eos, et extolle illos usque in aeternum.*

*V. Meménto congregationis tuae. R. Quam possedisti ab initio.*

*V. Fiat pax in virtute tua. R. Et abundantia in turribus tuis.*

*V. Oremus pro fidelibus defunctis. R. Requiem aeternam dona eis Dñe, et lux perpetua luceat eis.*

*V. Requiéscant in pace. R. Amen.*

*V. Pro fratribus nostris absentibus. R. Salvos fac servos tuos, Deus meus sperantes in te.*

*V. Pro afflictis et captivis. R. Libera eos Deus Israel ex omnibus tribulationibus suis.*

*V. Mitte eis Domine auxilium de sancto. R. Et de Sion tuere eos.*

*V. Domine exaudi orationem meam. R. Et clamor meus ad te veniat.*

*Deinde dicitur*

*Psalmus cxxij.*

**D**E profundis clamavi ad te Domine : \* Domine exaudi vocem meam : Fiant aures tuae intendentes, \* in vocem deprecationis meae.

Si iniquitates observaveris Domine : \* Domine quis sustinebit?

Quia apud te propitiatio est : \* et propter legem

tuam sustinui te Domine.

Sustinuit anima mea in verbo ejus : \* speravit anima mea in Domino.

A custodia matutina usque ad noctem : \* speret Israel in Domino.

Quia apud Dominum misericordia : \* et copiosa apud eum redemptio.

Et ipse redimet Israel, \* ex omnibus iniquitatibus ejus.

*Glória Patri. etc.*

*Finito Ps. dic. V. Domine Deus virtutum converte nos. R. Et ostende faciem tuam, et salvi erimus.*

*V. Exsurge Christe, adjuva nos. R. Et libera nos propter nomen tuum.*

*V. Domine exaudi orationem meam. R. Et clamor meus ad te veniat.*

*V. Dominus vobiscum. R. Et cum spiritu tuo.*

*Deinde dic. Oratio propria. Et quando in feriali Officio fiunt Commemor. communes de S. Maria, de S. Joseph, de Apostolis, de Titulo, et de Pace, ante eas tam in Laud. quam in Vesp. fit Commemor. de Cruce, ut infra. 177.*

*Quae Commemoratio de Cruce fit etiam, quando non dicuntur Preces, in feriali tantum Officio.*



## FERIA TERTIA.

## AD MATUTINUM.

**Invitatorium.** Jubilémus Deo, \* Salutári nostro.

**Ps.** Venite, exsultémus. 2.

**Hymnus.**

**C**onsors Patérni lúminis,  
Lux ipse lucis, et dies :  
Noctem canéndo rúmpimus,

Assiste postulántibus.

Aufer tenébras méntium,  
Fuga catérvas dæmonum,  
Expélle somnoléntiam,  
Ne pigritántes óbruat.

Sic Christe nobis ómnibus  
Indúlgeas credéntibus,  
Ut prosit exorántibus,  
Quod præcinéntes psállimus.

Præsta, Pater piíssime,  
Pátrique compar Unice,  
Cum Spírítu Paráclíto  
Regnans per omne sæculum. Amen.

**Añna.** Ut non delínquam.

**Psalmus cxxviii.**

**B**ixi: Custódiam vias meas : \* ut non delínquam in lingua mea.

Pósui ori meo custódiam,\* cum consisteret peccátor advérsus me.

Obmútui, et humiliátus sum, et sílui a bonis : \* et dolor meus renovátus est.

Concáluit cor meum intra me : \* et in meditatióne mea exardéscet ignis.

Locútus sum in lingua mea : \* notum fac mihi Dómine finem meum,

Et númerum diérum meórum quis est : \* ut sciam quid desit mihi.

Ecce mensurábiles posuisti dies meos : \* et substántia mea tamquam níhilum ante te.

Verúm tamen univérsvánitas, \* omnis homo vivens.

Verúm tamen in imágine pertránsit homo : \* sed et frustra conturbátur.

Thesaurizat : \* et ignórat cui congregábit ea.

Et nunc quæ est expectatió mea? nonne Dóminus? \* et substántia mea apud te est.

Ab ómnibus iniquitátibus meis érue me : \* opprobrium insipiénti dedisti me.

Obmútui, et non apéruí os meum, quóniam tu fecísti : \* ámove a me plagas tuas.

A fortitúdine manus tuæ ego deféci in increpationibus : \* propter iniquitátem corripuisti hóminem.

Et tabéscere fecísti sicut aráneam ánimam ejus : \*

verúm tamen vane conturbátur omnis homo.

Exáudi oratióne meam Dómine, et deprecatióne meam : \* áuribus pércipe lácrymas meas.

Ne síleas : quóniam ádvena ego sum apud te, et peregrinus, \* sicut omnes patres mei.

Remitte mihi, ut refrigérer priúsqvam ábeam, \* et ámplius non ero.

**Psalmus cxxix.**

**E**xspéctans exspéctavi Dóminum, \* et inténdit mihi.

Et exaudivit preces meas : \* et edúxit me de lacu misériae, et de luto fáecis.

Et státuit super petram pedes meos : \* et diréxit gressus meos.

Et immisit in os meum cánticum novum, \* carmen Deo nostro.

Vidébunt multi et timébunt : \* et sperábunt in Dómino.

Beátus vir, cujus est nomen Dómini spes ejus : \* et non respéxit in vanitátes et insánias falsas.

Multa fecísti tu Dómine Deus meus mirabília tua : \* et cogitacionibus tuis non est qui símilis sit tibi.

Annuntiávi et locútus

sum : \* multiplicáti sunt super númerum.

Sacrificium et oblati-  
nem nolúisti : \* aures autem perfecísti mihi.

Holocáustum et pro peccáto non postulásti : \* tunc dixi : Ecce vénio.

In cápíte libri scriptum est de me ut fácerem voluntátem tuam : \* Deus meus vólui, et legem tuam in médio cordis mei.

Annuntiávi justítiam tuam in ecclésia magna, \* ecce lábia mea non prohibébo : Dómine tu scísti.

Justítiam tuam non abscondí in corde meo : \* veritátem tuam et salutáre tuum dixi.

Non abscondí misericórdiam tuam, et veritátem tuam \* a concílio multo.

Tu autem Dómine ne longe fácias miseratiónes tuas a me : \* misericórdia tua et véritas tua semper suscepérunt me.

Quóniam circumdedérunt me mala, quorum non est númerus : \* comprehendérunt me iniquitátes meæ, et non pótui ut vidérem.

Multiplicátæ sunt super capillos cápitis mei : \* et cor meum dereliquit me.

Compláceat tibi Dómine ut éruas me : \* Dómine, ad